

**PLANINARSKI SAVEZ BOSNE I HERCEGOVINE**  
**KOMISIJA ZA PLANINARSKO ORIJENTACIONO TAKMIČENJE**

Broj: 27 - 02/14  
Sarajevo, 25. 02. 2014. godine

**PRAVILNIK O PLANINARSKIM ORIJENTACIONIM TAKMIČENJIMA**  
*/dorađeni i prečišćeni tekst/*

Planinarsko orijentaciono takmičenje za Prvenstvo planinarskog saveza BiH (POT PS BiH), predstavlja smotru dostignuća, umijeća, vještine i pripremljenosti članova PS BiH u čitanju topografske karte, rukovanju kompasom i brzom snalaženju na nepoznatom terenu.

Ovim Pravilnikom se uređuju pitanja organizacije, vrste i kategorije planinarsko-orijentacionih takmičenja članova PS BIH i njihova prava i obaveze.

**1. Pravo učešća**

Pravo učešća imaju članovi planinarskih društava u okviru PS BiH. Na takmičenjima mogu učestvovati i članovi drugih sportskih organizacija - udruženja iz zemlje i inostranstva, van konkurencije.

Učešće na POT PSFBiH se potvrđuje planinarskom knjižicom, sa plaćenom članarinom za tekuću godinu, društva za koje nastupa.

Tokom takmičarske sezone može se nastupati samo za jedno planinarsko društvo.

**2. Tip takmičenja**

Planinarsko - orijentaciona takmičenja mogu biti:

1. Dnevna;
2. Višednevna;
3. Noćna i
4. Kombinovana.

**3. Kategorije**

Ekipe čine 3 člana iz istog planinarskog društva.

- Pioniri - Pionirke ..... do 15 godina
- Juniori - Juniorke.....od 15 do 19 godina
- Seniori - Seniorke.....od 19 do 40 godina
- Veterani - Veteranke.....preko 40 godina

U kategorijama seniora i seniorki mogu nastupiti i po jedan takmičar susjedne kategorije.

U kategoriji juniori - juniorke može da učestvuju i po jedan član mlađe kategorije, ali broj članova ekipe mora biti 3 člana.

**4. Kretanje na stazi**

Takmičari prelaze takmičarsku stazu redoslijedom kako je u zadatku određeno, ekipno ili na pojedinim dionicama pojedinačno.

Dionice koje se prelaze pojedinačno mogu maksimalno biti do 30% cjelokupne staze.

## 5. Dužina staze

Pionirke.....	do 03 km zračna linije
Pioniri.....	do 04 km zračne linije
Juniorke.....	od 05 do 08 km zračne linije
Juniori.....	od 06 do 09 km zračne linije
Seniorke.....	od 09 do 12 km zračne linije
Seniori.....	od 10 do 15 km zračne linije
Veteranke.....	od 05 do 08 km zračne linije
Veterani.....	od 06 do 09 km zračne linije

## 6. Broj kontrolnih tačaka

Broj kontrolnih tačaka (KT) zavisi od takmičarske kategorije, razmjere karte, koncepcije takmičarskih staza i može da iznosi do 25 (KT). U broj kontrolnih tačaka ulazi zbir svih tačaka, ekipnih i pojedinačnih i cilj.

## 7. Vrijeme prolaska staze

Takmičarska ekipa mora preći takmičarsku stazu u zadanom vremenu, da ne bi bila diskvalifikovana.

Za svako takmičenje se određuje vrijeme prelaska staze i ono zavisi od koncepcije staze i reljefa terena na kojem se takmičenje odvija. Određuje se na osnovu vremena kompletno pređene staze od strane kontrolora takmičenja laganim planinarskim hodom uvećanog za 30%.

Vrijeme prelaska staze se računa od momenta preuzimanja takmičarskog zadatka pa do ulaska u cilj posljednjeg člana ekipe.

## 8. Start

Ekipe startuju u razmacima od 3 do 5 minuta.

Dve ekipe istog planinarskog društva ne mogu da startuju jedna za drugom, već minimalni razmak mora biti najmanje 10 minuta.

Redoslijed starta se dobija žrebanjem pola sata prije početka takmičenja pred članovima takmičarske komisije i predstavnicima planinarskih društava čije ekipe učestvuju na istom.

## 9. Oprema

Takmičarsku opremu učesnici takmičenja prilagođavaju vlastitoj potrebi, a na osnovu klimatskih uslova, terena za takmičenje i preporuka organizatora.

Obavezna oprema: Ranac, pribor za rješavanje zadatka, kompas, 1 uglomjer, 2 trougla, gumica, olovka, hrana i voda.

Za noćna takmičenja baterijska lampa i uložak za istu.

Ekipe koje se razdvajaju gore navedenu opremu moraju da ima svaki član ekipe.

## 10. Karta

Na POT PS BiH se mogu koristiti topografske karte razmjere 1:20 000; 1:25 000; 1:40 000 i 1:50 000.

## 11. Kontrolne tačke

Kontrolne tačke moraju biti obilježene crveno - bijelom trostranom prizmom (30cm x 30cm) na kojoj se nalazi perforator ili stanica SI sistema.

Vidljivost KT iz teoretski očekivanog pravca dolaska je 20 do 50 m, zavisno od razmjere karte (što veća razmjera to veće rastojanje).

## 12. Takmičarski zadatak

Može biti :

- ucrtan na karti za cijelu takmičarsku stazu;
- ucrtan na karti za određene etape, a za naredne etape se dobija zadatak na KT;
- da se precrtava sa oglednog primjerka;
- da se KT određuju standardnim metodama u topografiji (presjek koordinata, presjek 2 azimuta, presjek azimuta i koordinate i dr. za dio ili cijelu takmičarsku stazu);
- rješavaju se testovi od ukupno 3 pitanja koja obuhvataju znanje iz prve pomoći i planinarstva;
- kretanje pod azimutom.

## 13. Bodovanje

Nakon svakog takmičenja-takmičarskog kola proglašavaju se rezultati i plasman na osnovu zbira bodova koje čine:

- vrijeme prolaska na stazi
- odgovora na testovima

Najbolje vrijeme prolaska staze ima ona ekipa koja za najkraće vrijeme pronađe sve zadate KT, a ekipe koje pronađu manji broj KT od zadatih rangira se u plasman na osnovu pronađenih KT i vremena.

U bodovanje ulaze i negativni odgovori na testovima.

Ukupno ostvareno vrijeme se zaračunava na pun minut, a boduje jedan minut jedan bod.

Pogrešni odgovori na testu jedan pogrešan odgovor minus 2 boda.

Za odstupanje ulaska pod azimutom 5 stepeni 1 negativan bod.

Poslije svakog takmičenja-ligaškog kola po završetku takmičenja i poslije izvršenog bodovanja, ekipe dobijaju za osvojena mjesta poene, i to:

- I mjesto - 10 poena
- II mjesto - 8 poena
- III mjesto - 6 poena
- IV mjesto - 4 poena

V mjesto - 2 poena

#### **14. Diskvalifikacija**

Ako se prekorači zadati vremenski period kretanja na stazi.

Ako ekipa ne uđe u punom sastavu na KT.

#### **15. Kontrolori**

Kontrolore takmičenja određuje takmičarska komisija.

Kontrolore na KT određuje organizator tj. domaćin takmičenja.

Kontrolori na KT kontrolišu da li je ekipa kompletno pristigla na KT.

Predaju takmičarski zadatak za narednu etapu, ako je predviđeno.

U svoje liste unose vrijeme prolaska ekipe i startni broj ekipe.

Ovjerava KT kada ekipa stigne kompletna.

#### **16. Rezultati**

Rezultati takmičenja se proglašavaju 30 do 60 minuta po zatvaranju cilja.

#### **17. Arbitražna komisija**

Arbitražnu komisiju čine jedan predstavnik organizatora takmičenja, kontrolor takmičenja i jedan predstavnik takmičarske ekipe i sastav ove komisije se objavljuje prije početka takmičenja.

U radu komisije može da učestvuje predstavnik ekipe koja je podnijela žalbu ili protiv koje se vodi postupak bez prava odlučivanja.

Odluka komisije je konačna.

#### **18. Prigovor**

Dostavlja se do 30 minuta po pristizanju na cilj u pismenoj formi arbitražnoj komisiji.

#### **19. Obaveze organizatora**

UO PS BIH određuje domaćina takmičenja na osnovu pristiglih prijava na natječaj za domaćinstvo u POT-u koji je ranije raspisan.

Domaćin-organizator takmičenja je planinarsko društvo kojeg odredi UO PSFBih i Komisija za POT PS BIH.

Domaćin takmičenja je obavezan u saradnji sa kancelarijom PS BIH da 20 dana prije održavanja takmičenja obavijesti sva planinarska društva (pismeno ili e-mail-om) o datumu, mjestu održavanja, tipu takmičenja, o smještajnim kapacitetima, o zbornom mjestu, o terenu i opremi koja se preporučuje.

Da pripremi takmičarsku stazu koja će biti bezbjedna za takmičare i obezbijedi medicinsku pomoć.

Da obezbijedi prostor za presvlačenje takmičara.

Da po završetku takmičenja, najkasnije 7 dana dostavi cjelokupan izvještaj sa organizacionim i tehničkim podacima Komisiji PS BIH, tj. u kancelariju Saveza.

## **20. Obaveze planinarskih društava - učesnica**

Da po prijemu prvog obavještenja najavi svoje učešće.

Da po prijemu drugog obavještenja, a najkasnije 3 dana prije održavanja takmičenja potvrdi svoje učešće.

Da provjere dali svi takmičari posjeduju ovjerenu planinarsku knjižicu društva za koje nastupa u takmičarskoj godini sa markicom PSFBiH za kalendarsku godinu.

Da li takmičari posjeduju ovjerenu zdravstvenu knjižicu.

Da se pridržava uputstva organizatora po pitanju opreme i bezbjednosnih uslova na stazi.

Da se pridržava uslova propisanih pri zajedničkom kretanju na stazi kod nailaska na KT.

Da izbjegava preglasnu komunikaciju na stazi sa članovima svoje i drugih ekipa.

Da se pridržava moralnog kodeksa planinarskog i sportskog ponašanja na stazi.

Da ne uništavaju imovinu društvenu i privatnu.

## **21. Konačni rezultati i nagrade**

Naslov prvaka PS BIH u POT-u se stiče na osnovu broja postignutih bodova kroz takmičenja tokom jedne kalendarske – ligaške godine.

Broj takmičenja – ligaških kola određuje se početkom kalendarske godine i usvaja ga UO PS BIH.

Komisija za POT PS BIH na kraju svih ligaških kola, tj. po završetku takmičenja zbraja sve poene iz svih pojedinačnih Kola i objavljuje konačne rezultate i prezentira ih OU PS BIH.

UO PS BIH proglašava pobjednika i dodjeljuje nagrade.

Predsjednik Komisije za POT

M.P.

Predsjednik UO PS BIH

Muhamed Hadžiabdić, s. r.

Zijad Deljo, s. r.